

ВСЕНОЩНОЕ БДЕНИЕ. КАНОН:

ПЕСНЬ 1:

КАНОН ВОСКРЕСНЫЙ, ГЛАС 1:

Ирмос: **Твоя победительная десница/ Боголепно в крепости прославися:/ та бо, Безсмертне,/ яко всемогущая, противныя сотре,// Израильтяном путь глубины новосоделавшая.**

Припев: **Слава, Господи, святому Воскресению Твоему.**

Тропарь: **Иже руками пречистыма от персти/ богодетельне исперва создав мя,/ руке распростерл еси на кресте,/ от земли взывая тленное мое тело,// еже от Девы приял еси.**

Припев: **Слава, Господи, святому Воскресению Твоему.**

Тропарь: **Умерщвление подъял еси мене ради,/ и душу смерти предал еси,/ Иже вдохновением божественным душу ми вложивый,/ и отрешив вечных уз, и совоскресив// нетлением прославил еси.**

Припев: **Пресвятая Богородице, спаси нас.**

Богородичен: **Радуйся, благодати источнице,/ радуйся лестнице, и двере небесная,/ радуйся свещнице, и ручко златая, и горб несекомая,// Яже Жизнодавца Христа миру рождающая.**

КАНОН БОГОРОДИЦЫ ВОСКРЕСНЫЙ, ГЛАС 1:

Припев: **Пресвятая Богородице, спаси нас.**

Тропарь: **Кую Ти достойную песнь наше принесет неможение?/ точно обратовательную,/ ейже нас Гавриил тайно научил есть:// радуйся, Богородице Дево, Мати Невестная.**

Припев: **Пресвятая Богородице, спаси нас.**

Тропарь: **Приснодеве и Матери Царя вышних сил,/ от чистойша сердца, вернии, духовне возопийм:// радуйся, Богородице Дево, Мати Невестная.**

КАНОН ТРИОДИ, ГЛАС 2:

Припев: **Помилуй мя Боже, помилуй мя.**

Тропарь: **Иисусе Боже, кающаяся прими ныне и мене,/ яко блудного сына, все житие в лености живша,// и Тебе прогневавшая.**

Припев: **Помилуй мя Боже, помилуй мя.**

Тропарь: Ёже ми дал еси прѣжде, / зле расточи́х Божественное богатство, / удали́хся от Тебѣ, блудно жив:// благоутрѣбне Отче, прими́ убо и мене́ обраща́ющаяся.

Припѣв: Помилуй мя Бѣже, помилуй мя.

Тропарь: Объя́тия ны́не Отѣческая простѣр, / прими́ Гѣсподи и мене́, я́коже блуднаго, Всещѣдре, // я́ко да благодарно просла́влю Тя.

Припѣв: Пресвята́я Богоро́дице, спаси́ нас.

Богоро́дичен: На мене́ Бѣже, всю показав́ благосты́ню, / прѣзри мои́х мно́жество согрѣше́ний, я́ко благодѣтель, // божественными Ма́тере Твоея́ мольба́ми.

КАНО́Н СРѢТЕНИЯ, ГЛАС 3:

Припѣв: Сла́ва, Тебѣ, Бѣже наш, сла́ва Тебѣ.

Тропарь: Да ка́плют во́ду о́блацы, / Со́лнце бо, на о́блаце ле́гче носимо, настало́ есть, / на нетле́нную руку́, Христос в це́ркви я́ко Младенец. / Те́мже, ве́рнии, возопи́м:// по́йм Гѣсподеви, сла́вно бо просла́вился. *(Два́жды)*

Сла́ва Отцу́, и Сы́ну, и Свято́му Ду́ху.

Тропа́рь: Крепи́тесь, ру́це Симеони́, ста́ростию осла́бленнии, / лы́ста же претружде́нна ста́рча правобыстро́ движита́ся Христу́ на срѣтение, / лик со безплѣтными соста́вьше, // по́йм Гѣсподеви, сла́вно бо просла́вился.

И ны́не и прѣсно и во ве́ки веко́в, ами́нь.

Богоро́дичен: Ра́зумом простѣртая Небеса́, весѣлитесь, и ра́дуйся, земле́, / из Пребоже́ственных бо недр Хитре́ц прошѣд Христос, / Ма́терию Де́вою Бо́гу Отцу́ прино́сится Младенец, Ёже прѣжде всех, // сла́вно бо просла́вился.

КАТАВА́СИЯ СРѢТЕНИЯ, ГЛАС 3:

Хор: Су́шу глуборо́дительную зе́млю / со́лнце нашѣствова́ иногда́: / я́ко стена́ бо огу́сте обапо́лы вода́ лю́дем пешоморехо́дящим, / и богоугѣ́дно пою́щим:// по́йм Гѣсподеви, сла́вно бо просла́вился.

ПЕСНЬ 3:

КАНО́Н ВОСКРЕ́СНЫЙ, ГЛАС 1:

Ирмо́с: Еди́не ве́дый челове́ческаго существа́ не́мощь / и ми́лостивно в невообра́жся, / препоя́ши мя с высоты́ си́лою, / ёже вопи́ти Тебѣ, Святы́й, // одушевле́нный хра́ме неизрече́нных сла́вы Твоея́, Человеколю́бче.

Припев: **Сла́ва, Го́споди, свято́му Воскресе́нию Твоему́.**

Тропарь: **Бог Сый мне, Бла́же, па́дшаго ущедрил еси́,/ и снѣти ко мне благоволи́в, возне́сл мя еси́ распя́тием,/ е́же вопѣти Тебе́, Святы́й:// Хра́ме одушевле́нный неизрече́нная Твоея́ сла́вы, Человеколю́бче.**

Припев: **Сла́ва, Го́споди, свято́му Воскресе́нию Твоему́.**

Тропарь: **Живо́т ипостáсный Христé сый,/ в истлѣвша мя, я́ко Милосе́рдый Бог, обóлкся,/ в персть смéртную соше́д, Влады́ко,/ смéртную держа́ву разруши́л еси́,/ и мертв тридне́вен воскрeс, // в нетлѣние мя облéкл еси́.**

Припев: **Пресвятáя Богорóдице, спаси́ нас.**

Богорóдичен: **Бо́га заче́нши во чре́ве, Де́во, Ду́хом Пресвяты́м,/ пребыла́ еси́ неопали́ма,/ понéже Тя купина́ законополо́жнику Моисе́ю,/ пали́мую нежего́мо, я́ве предвозвести́, // огонь нестерпи́мый прие́мшую.**

КАНО́Н БОГОРÓДИЦЫ ВОСКРЕ́СНЫЙ, ГЛАС 1:

Припев: **Пресвятáя Богорóдице, спаси́ нас.**

Тропа́рь: **Обла́к Тя лёгкий нелóжно, Де́во, имену́ем,/ проро́ческим возслéдующе рече́нием:/ при́де бо на Тебе́ Госпо́дь/ низложѣти егѣпетския прéлести рукотворéния, // и просветѣти сим служа́щая.**

Припев: **Пресвятáя Богорóдице, спаси́ нас.**

Тропа́рь: **Тя запеча́танный во́истинну лик проро́ческий исто́чник,/ и заключéнную дверь именовá, дéвства Твоего́, Всепéтая,/ я́вственне зна́мения нам пи́щуце:// е́же сохрани́ла еси́ и по рождествé.**

КАНО́Н ТРИО́ДИ, ГЛАС 2:

Припе́в: **Помѣлуй мя Бо́же, помѣлуй мя.**

Тропа́рь: **Весь вне быв себе́,/ умовре́дно прилепи́хся страсте́й обрета́телем:// но приими́ мя, Христé, я́коже блóднаго.**

Припе́в: **Помѣлуй мя Бо́же, помѣлуй мя.**

Тропа́рь: **Блóднаго гла́су поревновáв, вопию́:/ согрешѣх, О́тче, я́коже она́го у́бо, // и мене́ обыми́ ны́не, и не отри́ни мене́.**

Припе́в: **Помѣлуй мя Бо́же, помѣлуй мя.**

Тропа́рь: **Объя́тия Твоя́ простeр Христé,/ мѣлостивно приими́ мя, // от страны́ да́льных греха́ и страсте́й обра́щаю́щаяся.**

Припе́в: **Пресвятáя Богорóдице, спаси́ нас.**

Богорóдичен: **До́брая в жена́х, обогати́ и мене́ до́брых ви́ды,/ грехѣ мно́гими обни-**

щавшаго Чистая, // яко да славлю Тя.

КАНОН СРЭТЕНИЯ, ГЛАС 3:

Припéв: Сла́ва, Тебе́, Бо́же наш, сла́ва Тебе́.

Тропа́рь: Перворождён из Отца́ прэжде век, / Перворождён Младенец из Дёвы не-
тлénныя, // Ада́му ру́ку простира́я, яви́ся. *(Два́жды)*

Сла́ва Отцу́, и Сы́ну, и Свято́му Ду́ху.

Тропа́рь: Младоу́мна б́вша прэlestию первозда́ннаго // па́ки исправля́й Бог
Сло́во, младе́нствовав, яви́ся.

И ны́не и прісно и во ве́ки веко́в, ами́нь.

Богоро́дичен: Землі исча́дие, па́ки потékшее в ню, / Божества́ сообра́зное естество́
Зижди́тель // яко непрелóжне, младе́нствовав, яви́.

КАТАВА́СИЯ СРЭТЕНИЯ, ГЛАС 3:

Хор: Утвержде́ние на Тя наде́ющихся, / утверди́, Го́споди, Це́рковь, / ю́же
стяжа́л еси́ // честно́ю Твое́ю Кро́вию.

ЕКТЕНИЯ МА́ЛАЯ...

КОНДА́К СРЭТЕНИЯ, ГЛАС 1:

Утробу Деві́чу освяти́вый Рождество́м Твои́м / и ру́це Симео́не благосло-
ви́вый, / якоже подобáше, предвари́в, / и ны́не спасл еси́ нас, Христé Бо́же, /
но умири́ во бранéх жітельство // и укрепі́ лю́ди, іхже возлюбі́л еси́, Еди́не
Человеколю́бче.

И́кос:

К Богоро́дице притеце́м, хотя́щи Сы́на Ея́ видети, к Симео́ну носі́ма, /
Его́же с Небесе́ Безплóтнии ви́дяще, дивля́хуся, глаго́люще: / чу́дная зрим
ны́не и пресла́вная, непостижі́мая, несказáнная! / І́же бо Ада́ма созда́вый
но́сится яко Младенец, / Невместі́мый вмеща́ется на рука́х ста́рчих, / І́же в
не́дрех неопісаных Сый Отца́ Своего́ / волею опису́ется плóтию, а не Боже-
ство́м, // Еди́н Человеколю́бец.

Слава Отцу и Сыну и Святому Духу.

СЕДА́ЛЕН ТРИОДИ, ГЛАС 1:

Объя́тия О́тча отвéрсти ми потщи́ся, / блу́дно ижди́х моé житиé, / на бо-
га́тство неиждива́емое взира́й щедро́т Твои́х Спа́се, / ны́не обнища́вшее
моé се́рдце не прэзри. / Тебе́ бо Го́споди, во умилéнии зову́: // согреші́х,

Отче, на небо и пред Тобюю.

И ныне и присно и во веки веков. Аминь.

СЕДАЛЕН СРЁТЕНИЯ, ГЛАС 3:

От Дёвы Тя воплощённа, Христё, радуяся, подъят священный Симеон,/ –
ныне отпускаеши, – вопия, – раба Твоего, Владыко./ Анна же непорочная,
пророчица и славная,/ ныне исповедание и пение приносит Тебе./ Мы же,
Жизнодавче, вопиём Ти:// слава тако благоволившему.

ПЕСНЬ 4:

КАНОН ВОСКРЕСНЫЙ, ГЛАС 1:

Ирмос: **Гору Тя благодатию Божиею приосененную,/ прозорливыма Авва-
кум// усмотрив очима,/ из Тебе изыти Израилеву провозглашаше Свя-
тому,// во Спасение наше и обновление.**

Припев: **Слава, Господи, святому Воскресению Твоему.**

Тропарь: **Кто сей Спас иже из Едома исходя, венец нося терновен,/ очервленну ризу имый,
на древе вися;/ Израилев есть Сей Святыи,// во Спасение наше и обновление.**

Припев: **Слава, Господи, святому Воскресению Твоему.**

Тропарь: **Видите людие непокоривии, и устыдитесь:/ Егоже бо яко злодея вы воз-
нести на крест у Пилата испросите умовредне,// смерти разрушив силу,
боголепно воскрес из гроба.**

Припев: **Пресвятая Богородице, спаси нас.**

Богородичен: **Древо Тя, Дёво, жизни вемы:/ не бо снеди плод смертоносный человеком
из Тебе прозябё,/ но животá присносущнаго наслаждение,// во Спасение
нас поющих Тя.**

КАНОН БОГОРОДИЦЫ ВОСКРЕСНЫЙ, ГЛАС 1:

Припев: **Пресвятая Богородице, спаси нас.**

Тропарь: **Слыши чудес небо, и внушай земле,/ яко Дщи перстного убо падшаго
Адама, Богу наречена бысть,/ и Своему Содетелю Родительница,// на Спа-
сение наше и обновление.**

Припев: **Пресвятая Богородице, спаси нас.**

Тропарь: **Поём великое и страшное Твое таинство,/ премирных бо утайвся чинона-
чалии,/ на Тя Иже сый сниде яко дождь на рунó, Всепетая,// на Спасение нас
поющих Тя**

КАНОН ТРИОДИ, ГЛАС 2:

Припéв: **Помíлуй мя Бóже, помíлуй мя.**

Тропарь: **Богáтство благíх, е́же дал ми есí Небéсный Óтче,/ расточíх зле, стрáнным гра́жданом порабо́щен./ Тéмже вопи́ю Ти: согрешíх Ти,/ приими́ мя я́ко блúднаго дрéвля,// простéр объ́ятия мне Тво́я.**

Припéв: **Помíлуй мя Бóже, помíлуй мя.**

Тропарь: **Всýкой злóбе порабо́тихся,/ принíкнув ока́нно страстéй дéлателем,/ и себé вне бых несмотрéнием,/ ущéдри мя Спáсе, Пренебéсный Óтче,// прибе- га́юща ко мнóгим Тво́им щедрóтам.**

Припéв: **Помíлуй мя Бóже, помíлуй мя.**

Тропарь: **Всýкаго студá испóлнихся,/ не смéя возрéти на высотú небéсную:/ ýбо безсловéсно принíкнув грехú,/ ны́не же обра́щся вопи́ю умилéнием:// со- грешíх Ти, приими́ мя, Всецарю́.**

Припéв: **Пресвятáя Богорóдице, спасí нас.**

Богорóдичен: **Человéком пóмоще, упováние твéрдое всем христиáном,/ прибе́жище Чíстая спаса́емым:/ спасí мя Дéво, мáтерними Тво́ими мольбáми,// и бúдущая жízни сподóби.**

КАНО́Н СРÉТЕНИЯ, ГЛАС 3:

Припéв: **Слáва, Тебé, Бóже наш, слáва Тебé.**

Тропарь: **Рáдуйся, Симеóне, неизречéнных тайнниче, Богорóдица вопия́ше,/ о Нёмже от Святáго дрéвля известíся тебé Дúха,/ младéнствовавшаго Слóва Христá на рúки приими́, зовýй Емú:// испóлнишася вся Тво́его хвалéния. *(Двáжды)***

Слáва Отцú, и Сýну, и Святóму Дúху.

Тропарь: **На Него́же уповáл есí, Симеóне, вóзраст дéтищный,/ рáдуясь, подыми́ Христá, Изра́иля Божéственнаго утешéние,/ закóна Творцá и Влады́ку, исполня́ющаго за- ко́на чин, зовýй Емú:// испóлнишася вся Тво́его хвалéния.**

И ны́не и прíсно и во вéки векóв, ами́нь.

Богорóдичен: **Вíдя Симеóн Слóво Безначáльное, с плóтию, я́ко на престóле Херу- вймстем, Дéвою носíмо,/ винóвнаго е́же бýти всýческих, я́ко Младéнцу ди- вья́ся, вопия́ше Емú:// испóлнишася вся Тво́его хвалéния.**

КАТАВА́СИЯ СРÉТЕНИЯ, ГЛАС 3:

Хор: **Покры́ла есть небесá добродéтель Тво́я, Христé,/ из кивóта бо про- шéд святýни Тво́ея нетлénная Мáтере,/ в хра́ме слáвы Тво́ея явíлся есí/ я́ко младéнец руконосíмь,// и испóлнишася вся Тво́его хвалéния.**

ПЕСНЬ 5:

КАНОН ВОСКРЕСНЫЙ, ГЛАС 1:

Ирмос: **Просветивый сиянием пришествия Твоего, Христэ,/ и осветивый Крестом Твоим мира концы,/ сердца просвети светом Твоего Богоразумия,// православно поющих Тя.**

Припев: **Слава, Господи, святому Воскресению Твоему.**

Тропарь: **Пастыря овцам великаго и Господа,/ иудеи древом крестным умертвиша:/ но Той яко овцы, мертвые, во аде погребенныя,// державы смертныя избави.**

Припев: **Слава, Господи, святому Воскресению Твоему.**

Тропарь: **Крестом Твоим мир благовестив,/ и проповедав пленным, Спасе мой, оставление,/ державу имущаго посрамил еси, Христэ:// нага, обнищавша показавый Божественным востанием Твоим.**

Припев: **Пресвятая Богородице, спаси нас.**

Богородичен: **Прошения верно просящих, Всепетая, не презри:/ но прими, и сия доноси шай Сыну Твоему, Пречистая,/ Богу Единому Благодетелю,// Тебе бо Предстательницу стяжахом.**

КАНОН БОГОРОДИЦЫ ВОСКРЕСНЫЙ, ГЛАС 1:

Припев: **Пресвятая Богородице, спаси нас.**

Тропарь: **Веселятся небесныя силы зряще Тя:/ радуются с ними человеков соборания:/ Рождеством бо Твоим совокупишася, Дево Богородице,// еже достойно славим.**

Припев: **Пресвятая Богородице, спаси нас.**

Тропарь: **Да движатся вси языцы человечести и мысли,/ к похвалé человеческого войстинну удобрения,/ Дева предстоит яве славящи,// верою Тоя поющих чудеса.**

КАНОН ТРИОДИ, ГЛАС 2:

Припев: **Помилуй мя Бóже, помилуй мя.**

Тропарь: **Поработихся гражданим странним,/ и в страну тлетворную отыдох, и исполнихся студа:// ныне же обращая зову Ти Щедре, согреших.**

Припев: **Помилуй мя Бóже, помилуй мя.**

Тропарь: **Отеческая Твоя благоутробия ныне отверзи ми,/ от злых обратившуся, Небесный Отче,// и не отрини мене, имеяй премногую милость.**

Припев: **Помилуй мя Бóже, помилуй мя.**

Тропарь: **Не смею возрети горе на высоту,/ без числа Христэ прогневав Тя:/ но ведый**

Твоя щедрота милостивная, взываю:// согреших Ти, очисти, и спаси мя.

Припев: Пресвятая Богородице, спаси нас.

Богородичен: Всесвятая Дево благодатная,/ очищение всем рождающая,/ моих согрешений тяжкое бремя// Твоими молитвами облегчи.

КАНОН СРЁТЕНИЯ, ГЛАС 3:

Припев: Слава, Тебе, Боже наш, слава Тебе.

Тропарь: Разумев Божественный старец проявленную древле пророку славу,/ руками Слово зря Матерними держимо,/ о, радуйся, – вопияше, – Чистая!/ Яко престол, бо держиши Бога, // Света Невечерняго и миром владычествующа. *(Дважды)*

Слава Отцу, и Сыну, и Святому Духу.

Тропарь: Поклонься старец,/ и стопам Божественно прикоснувся неискособрачныя и Богоматере,/ Огнь, – рече, – носиши, Чистая:/ Младенца боюся объяти Бога, // Света Невечерняго и миром владычествующа.

И ныне и присно и во веки веков, аминь.

Богородичен: Очищается Исаия, от Серафима уголь прием,/ старец вопияше Богоматери,/ Ты, якоже клещами, руками просвещаеши мя, подавши, Егоже носиши, // Света Невечерняго и миром владычествующа.

КАТАВАСИЯ СРЁТЕНИЯ, ГЛАС 3:

Хор: Яко виде Исаия образно/ на Престоле превознесена Бога,/ от ангел славы дориносима,/ о окаянный, вопияше, аз:/ провидех бо воплощаема Бога, // Света Невечерня, и миром владычествующа.

ПЕСНЬ 6:

КАНОН ВОСКРЕСНЫЙ, ГЛАС 1:

Ирмос: Обиде нас последняя бездна,/ несть избавляяй,/ вменихомся, яко овцы закления,/ спаси люди Твоя, Боже наш, // Ты бо крепость немощствующих и исправление.

Припев: Слава, Господи, святому Воскресению Твоему.

Тропарь: Согрешением первозданнаго, Господи, люте уязвяхомся,/ раною же исцелихомся Твоею,/ еуже за ны уязвился еси, Христе:// Ты бо крепость немощствующих и исправление.

Припев: Слава, Господи, святому Воскресению Твоему.

Тропарь: Возвел ны еси из ада, Господи,/ кита убив всеядца, Всесильне,/ Твоею державою низложив того силу:// Ты бо Живот, и Свет еси, и Воскресение.

Припев: Пресвятáя Богорóдице, спаси нас.

Богорóдичен: Веселя́тся о Тебé, Дéво Пречы́стая, / рóда нáшего праóтцы, Едéм восприёмше Тобóю, / егóже преступлénием погуби́ша: // Ты бо, Чы́стая, и прéжде Рождества́, и по Рождествé еси́.

КАНО́Н БОГОРÓДИЦЫ ВОСКРЕ́СНЫЙ, ГЛАС 1:

Припев: Пресвятáя Богорóдице, спаси нас.

Тропа́рь: Предстоя́т раболéпне Рождеству́ Твоему́ чýни небéснии, / дивя́щиеся досто́йно Твоему́ безсе́менному Рождеству́, Приснодéво: // Ты бо, Чы́стая, и прéжде Рождества́, и по Рождествé еси́.

Припев: Пресвятáя Богорóдице, спаси нас.

Тропа́рь: Воплоти́ся прéжде сый Безплóтен, Сло́во из Тебé, Пречы́стая, / вся́ческая во́лею творя́й, // безтелéсных во́инства приве́дй от небытия́, я́ко Всеси́лен.

КАНО́Н ТРИО́ДИ, ГЛАС 2:

Припе́в: Поми́луй мя Бо́же, поми́луй мя.

Тропа́рь: Глубина́ согрешéний содержи́т мя при́сно, / и трево́лнение грехóв погружа́ет мя: / окорми́ мя ко пристáнищу жи́зни, Христé Бо́же, // и спаси́ мя Царю́ сла́вы.

Припе́в: Поми́луй мя Бо́же, поми́луй мя.

Тропа́рь: Богáтство Отéческое расточи́х лю́те, / и обнища́в студá испóлнихся, / порабо́щен непло́дными помышлénыми. / Тёмже Ти вопию́: // Человеколю́бче уще́дри, и спаси́ мя.

Припе́в: Поми́луй мя Бо́же, поми́луй мя.

Тропа́рь: Гла́дом истáявша вся́ких благ, / и устрани́вшася от Тебé Всеблагий, / уще́дри обраща́ющаяся мя ны́не, // и спаси́ Христé, пою́ща Твое́ человеколю́бие.

Припе́в: Пресвятáя Богорóдице, спаси нас.

Богорóдичен: Спа́са и Влады́ку рóждшая Христá, / спасéния мя Отрокови́це сподóби, / обнища́вша от вся́ких благ, Дéво Чы́стая, // да пою́ Твою́ вели́чия.

КАНО́Н СРÉТЕНИЯ, ГЛАС 3:

Припе́в: Сла́ва, Тебé, Бо́же наш, сла́ва Тебé.

Тропа́рь: Сиóну Ты ка́мень возложи́лся еси́, / непокоры́вым претыка́ние и собла́зна ка́мень, // неруши́мое ве́рных спасéние. *(Два́жды)*

Сла́ва Отцу́, и Сы́ну, и Свято́му Ду́ху.

Тропа́рь: Известне нося́ начертáние / Йже прéжде век Тя израсти́вшаго, // земны́х за милосéрдие ны́не нéмощию обложи́ся.

И ны́не и при́сно и во ве́ки веко́в, ами́нь.

Богорóдичен: СЫ́ну ВЫ́шняго,/ СЫ́ну Дéвы,/ Бóгу, Отрочáти бЫ́вшему,// поклóньшася Тебé ны́не отпу́стї с мїром.

КАТАВА́СИЯ СРÉТЕНИЯ, ГЛАС 3:

Хор: **Возопї к Тебé вїдев стáрец очїма спасéние,/ éже лю́дем прїйде от Бóга,// Хрїсте, Ты Бог мой.**

ЕКТЕНІЯ МА́ЛАЯ...

КОНДА́К ТРИО́ДИ, ГЛАС 3:

Отéческия сла́вы Твоея́ удали́хся безúмно,/ в злых расточїв éже ми пре́дал есї́ богáтство./ Тэмже Ти блúднаго глас приношú:/ согрешїх пред Тобóю, Óтче щéдрый,/ прїимї́ мя кáющася// и сотвори́ мя я́ко едїнаго от наёмник Твоїх.

ИКОС:

Спáсу нáшему на всяк день учáщу Своїм глáсом,/ писáния услы́шим о блúдном, и целомúдренном пáки./ И сегó véрою подража́ем дóброе пока́ние,/ Вéдущему та́йная всех, смире́нием сéрдца воззовéм:/ согрешїхом Ти, Óтче щéдрый,/ и нико́гдаже достóйни есмь́ нарещїся чáда, я́коже прéжде./ Но я́ко естество́м сый чело́веколюбїв, Ты прїимї́,// и сотвори́ мя я́ко едїнаго от наёмник Твоїх.

ПЕСНЬ 7:

КАНО́Н ВОСКРЕ́СНЫЙ, ГЛАС 1:

Ирмо́с: Тебé úмную, Богорóдице, пещь/ разсмотрим, вёрнии,/ я́коже бо óтроки спасé три Превозносїмый,/ мир обновї, во чрэве Твоём всецёл,// хвáльный отцёв Бог и препрослáвлен.

Припев: Сла́ва, Го́споди, свято́му Воскресéнию Твоему́.

Тропарь: Убо́йся земля́, сокры́ся со́лнце, и померче свет,/ раздрáся церкóвная бо-же́ственная завéса,/ кáмение же разсéдися:/ на крестé бо вїсит Пра́ведный,// Хвáльный отцёв Бог, и препрослáвлен.

Припев: Сла́ва, Го́споди, свято́му Воскресéнию Твоему́.

Тропарь: Ты быв áки безпомóщен,/ и уязвен в мёртвых во́лею нас ráди/ превозносїмый, вся свободїл есї́,/ и держáвною руко́ю совоскресїл есї́,// хвáльный отцёв Бог, и препрослáвлен.

Припев: Пресвятáя Богорóдице, спасї́ нас.

Богорóдичен: Рáдуйся, истóчнице присноживїя воды́./ Рáдуйся, рао́у пїщный./ Рáдуйся, стенó вёрных./ Рáдуйся, Неискусобра́чная./ Рáдуйся, всемїрная Рáдосте,/ Ё́уже нам возси́я// Хвáльный отцёв Бог, и препрослáвлен.

КАНОН БОГОРОДИЦЫ ВОСКРЕСНЫЙ, ГЛАС 1:

Припев: Пресвятая Богородице, спаси нас.

Тропарь: Тя, Богородице, лестницу Иаков пророчески разумеает:/ Тобю бо Превозносимый на земли явися,/ и с человеки поживе, яко благоволи,// Хвальный отец Бог и Препрославлен.

Припев: Пресвятая Богородице, спаси нас.

Тропарь: Радуйся, Чистая, из Тебе пройде Пастырь,/ Иже во Адамову кожу облкся войстинну Превозносимый,/ во всего мя человека, за благоутрбие непостижное:// Хвальный отец Бог и Препрославлен.

КАНОН ТРИОДИ, ГЛАС 2:

Припев: Помилуй мя Боже, помилуй мя.

Тропарь: Сладостем телесным приклонихся всеокаянно,/ и поработихся весьма страстным изобретением,/ и странен бых от Тебе Человеколюбче./ Ныне же зову блудного гласом:// согреших Христе, не презри мене, яко един милостив.

Припев: Помилуй мя Боже, помилуй мя.

Тропарь: Взываю, согреших, никакоже возрети дерзая на высоту небесную, Всецарю,/ яко в безумии един Тя прогневах,/ отвергся Твоих повелений./ Темже яко един Благой,// не отвержи мене от Твоего лица.

Припев: Помилуй мя Боже, помилуй мя.

Тропарь: Апостол, Господи, и пророк, и преподобных,/ и честных мученик, и праведных мольбами/ прости ми вся, яже согреших,/ прогневав Христе благодать Твою,// яко да песнословлю Тя во вся веки.

Припев: Пресвятая Богородице, спаси нас.

Богородичен: Херувим явльшися, и серафим Богородице,/ и всех светлейшая небесных воинств,/ с сими умоли, Егже воплотила еси Божественное Слово Всенепорочная, Безначальнаго Отца,// яко да благ вечнующих вси сподобимся.

КАНОН СРЕТЕНИЯ, ГЛАС 3:

Припев: Слава, Тебе, Боже наш, слава Тебе.

Тропарь: Адаму известити хотяй иду, во аде живущу,/ и Еве принести благовестие, Симеон вопияше, со пророки ликуя:// благословен Бог отец наших. *(Дважды)*

Слава Отцу, и Сыну, и Святому Духу.

Тропарь: Рода земна избавляяй Бог даже до ада придет,/ пленным же подаст всем оставление и прозрение слепым, яко и немым вопити:// благословен Бог отец наших.

И ныне и присно и во веки веков, аминь.

Богородичен: **И** Твое сердце нетленная оружие пройдет, Симеон Богородице провозгласи,/ на Кресте зрящи Твоего Сына,/ Ему же вопием:// благословен Бог отец наших.

КАТАВА́СИЯ СРÉТЕНИЯ, ГЛАС 3:

Хор: **Тебе во огни оросившаго отроки богословившия,/ и в Деву Нетленну всельшагося Бога Слова пойм,/ благочестно поюще:// благословен Бог отец наших.**

ПЕСНЬ 8:

КАНО́Н ВОСКРЕ́СНЫЙ, ГЛАС 1:

Ирмос: **В** пещи отроцы Израилевы,/ якоже в горниле, добротой благочестия чистее злата блещахуся, глаголюще:/ благословите, вся дела Господня, Господа,// пойте и превозносите во вся веки.

Припев: **Слава, Господи, святому Воскресению Твоему.**

Тропарь: **И**же волею вся творяй, и претворяяй,/ обращаяй сень смертную в вечную жизнь,/ страстию Твоею, Слове Божий,/ Тебе непрестанно вся дела Господня,// Господа пойм, и превозносим во вся веки.

Припев: **Слава, Господи, святому Воскресению Твоему.**

Тропарь: **Т**ы разорил еси сокрушение, Христэ, и окаянство,/ во вратех и твердынях адовых,/ воскрес из гроба тридневен./ Тебе непрестанно вся дела, яко Господа, поют,// и превозносят во вся веки.

Припев: **Пресвятая Богородице, спаси нас.**

Богородичен: **Я**же без семени и преестеством от облистания Божественного/ Родшую бисера многоценного Христа, воспойм глаголюще:/ благословите вся дела Господня, Господа,// пойте и превозносите Его во вся веки.

КАНО́Н БОГОРО́ДИЦЫ ВОСКРЕ́СНЫЙ, ГЛАС 1:

Припев: **Пресвятая Богородице, спаси нас.**

Тропарь: **Ч**ертог световидный, из негоже всех Владыка,/ яко Жених произыде Христос,/ воспойм вси вопиюще:/ вся дела Господня, Господа пойте,// и превозносите во вся веки.

Припев: **Пресвятая Богородице, спаси нас.**

Тропарь: **Р**адуйся, Престоле славный Божий,/ радуйся, верных стеню,/ Еюже сущим во тьме возсия свет Христос,/ Тебе блажащим, и вопиющим:/ вся дела Господня, Господа пойте,// и превозносите во вся веки.

КАНОН ТРИОДИ, ГЛАС 2:

Припéв: **Помíлуй мя Бóже, помíлуй мя.**

Тропарь: **Сшéдый на зéмлю спасти́ мир,/ вóльною нището́ю за милосéрдие мно́гое,/ обнищáвшего мя ны́не от всякаго благоде́яния,// я́ко мýлостивый, спаси́.**

Припéв: **Помíлуй мя Бóже, помíлуй мя.**

Тропарь: **От Твои́х заповедей удали́вся,/ порабо́тихся всеока́нно лестцý:/ обра- ща́ющагося же ны́не,/ я́ко блúднаго дрéвля припа́дающа Тебе́,// приими́ Пренебéсный О́тче.**

Припéв: **Помíлуй мя Бóже, помíлуй мя.**

Тропарь: **Тлетво́рными помышлénными объёмся омрач́ихся,/ и от Тебе́ удали́хся, весь вне себе́ быв Ще́дре.// Тёмже в покая́нии припа́дающа Тебе́ спаси́.**

Припéв: **Пресвята́я Богоро́дице, спаси́ нас.**

Богородичен: **Богороди́тельнице Чы́стая,/ низвёрженных исправлénие ед́ина, исправи́ и мене́// всякими грехáми сокрушénнаго всегó и смирénнаго.**

КАНОН СРÉТЕНИЯ, ГЛАС 3:

Припéв: **Сла́ва, Тебе́, Бóже наш, сла́ва Тебе́.**

Тропарь: **Лю́дие Изра́илевы, Твою́ сла́ву Емману́ила зря́ще Отрочá из Дéвы,/ пред лицём Божéственнаго ковчéга ны́не лику́йте:/ благословите́, вся дела́ Гос- пóдня, Гóспода// и превозно́сите во вся вéки. *(Два́жды)***

Благословим́ Отца́, и Сы́на, и Свята́го Дýха, Гóспода.

Тропарь: **Се, Симеóн вопия́ше, пререка́емое зна́мение Сей б́удет,/ Бог Сый и Отро- ча́,/ Семý, вёрнии, возопи́м:/ благословите́, вся дела́ Госпóдня, Гóспода// и превозно́сите во вся вéки.**

И ны́не и пр́сно и во вéки веко́в, ами́нь.

Богородичен: **Живóт сый, сей б́удет падénие непокор́ивым,/ младéнствовав Бог Сло́во,/ я́ко востáние всем véрою пою́щим:/ благословите́, вся дела́ Госпóдня, Гóспода// и превозно́сите во вся вéки.**

КАТАВА́СИЯ СРÉТЕНИЯ, ГЛАС 3:

Хор: **Хва́лим, благословим́, покланя́емся Гóсподеви, пою́ще и превозно- ся́ще во вся вéки.**

Нестерп́имому огню́ соедин́ившеся,/ Богочéстия предсто́яще,

юноши,/ пламенем же невреждени,/ Божественную песнь пояху:/ благословите, вся дела Господня, Господа// и превозносите во вся веки.

Диакон: Богородицу и Матерь Света в песнях возвеличим.

ПЕСНЬ ПРЕСВЯТОЙ БОГОРОДИЦЫ:

Хор: Величит душа Моя Господа,/ и возрадовася дух Мой о Бозе Спасе Моём.
Честнейшую Херувим/ и Славнейшую без сравнения Серафим,/ без исления Бóга Сло́ва рóждшую,/ сущую Богородицу, Тя велича́ем.

Яко призрэ на смирение рабы Своея,/ се бо от ныне ублажат Мя вси роди.

Честнейшую...

Яко сотвори Мне величие Сильный,/ и свято Имя Его, и милость Его в роды родов боящимся Его.

Честнейшую...

Сотвори державу мýщцею Своею,/ расточи гóрдая мýслию сёрдца их.

Честнейшую...

Низложи сильные со престол, и вознесé смиренные;/ алчущия исполни благ, и богатящиеся отпусти тщи.

Честнейшую...

Восприят Израиля óтрока Своего, помянути милости,/ якоже глагола ко отцём нашим, Авраáму и семени его, да́же до века.

Честнейшую...

ПЕСНЬ 9:

КАНО́Н ВОСКРЕ́СНЫЙ, ГЛАС 1:

Ирмо́с: **Образ чýстаго рóждства Твоего,/ огнепáлимая купина́ показá неопáльная;/ и ныне на нас напáстей свирéпеющую угасíti, мо́лимся, пещь,// да Тя, Богородице, непрестáнно велича́ем.**

Припев: **Слáва, Господи, свято́му Воскресéнию Твоему́.**

Тропарь: **О како, лю́дие беззакóннии и непокорíвии,/ лука́вая совеща́ше,/ гóрдаго и нечестíваго оправди́ша:/ Пра́веднаго же на дрéве осуди́ша Господа сла́вы,// Его́же досто́йно велича́ем!**

Припев: **Слáва, Господи, свято́му Воскресéнию Твоему́.**

Тропарь: **Спáсе А́гнче Непорóчне,/ И́же мýра грехи́ взéмый,/ Тебе́ сла́вим воскрéсшаго триднёвно,/ со Отцём и Божéственным Твои́м Дýхом,/ и Господа сла́вы:// Его́же богослóвяще, велича́ем.**

Припев: **Пресвята́я Богородице, спаси́ нас.**

Богорóдичен: Спаси́ лю́ди Тво́я, Го́споди,/ и́хже стяжа́л еси́ честно́ю Тво́ею крóвию,/ цѣрквам Тво́им пода́я мир, Человеколю́бче,// Богорóдицы моли́твами.

КАНО́Н БОГОРÓДИЦЫ ВОСКРЕ́СНЫЙ, ГЛАС 1:

Припев: **Пресвята́я Богорóдице, спаси́ нас.**

Тропа́рь: **Из ко́рене Дави́дова прозябла́ еси́ проро́ческаго, Де́во, и богоотече́скаго:/ но и Дави́да я́ко вои́стинну Ты просла́вила еси́,/ я́ко рóждши про- ро́чествованнаго Го́спода сла́вы:// Егóже досто́йно велича́ем.**

Припев: **Пресвята́я Богорóдице, спаси́ нас.**

Тропа́рь: **Всяк похва́льный, Пречи́стая, зако́н/ побежда́ется вели́чеством сла́вы Твоея́./ Но о, Влады́чице, от раб Тво́их недостóйных,/ от любве́ Тебе́ прино- си́мое приими́, Богорóдице,// со усер́дием пѣние похва́льное.**

КАНО́Н ТРИО́ДИ, ГЛАС 2:

Припев: **Поми́луй мя Бо́же, поми́луй мя.**

Тропа́рь: **Виждь Христé печáль се́рдца, виждь моё обращéние,/ виждь слéзы Спа́се, и не прѣзри мене́,/ но обymí па́ки благоутрóбия ра́ди,/ мно́жеству спа- са́емых Пречи́стая,// я́ко да пою́ благодарно́ мило́сти Тво́я.**

Припев: **Поми́луй мя Бо́же, поми́луй мя.**

Тропа́рь: **Я́ко разбо́йник вопи́ю: помяни́ мя,/ я́ко мытарь умилíвсь, би́ю в пѣрси, и зову́ ны́не: очисти́,/ я́коже блúднаго приими́ мя Всеще́дрый, от всех зол мо́их, Всецарю́:// я́ко да пою́ Твоё кра́йнее снизхожде́ние.**

Припев: **Поми́луй мя Бо́же, поми́луй мя.**

Тропа́рь: **Е́же иногда́ соде́лал еси́ весéлие блúднаго, Бла́же, обращéнием во́льным,/ си́е ны́не сотвори́ и на мне ока́янном,/ прости́рая ми честна́я Тво́я объ́ятия.// Да спáсса песносло́влю кра́йнее Твоё снизхожде́ние.**

Припев: **Пресвята́я Богорóдице, спаси́ нас.**

Богорóдичен: **Свѣтлыми моли́твами Тво́ими Де́во,/ мы́сленная мо́я очеса́ омраче́нная злóбою, просвети́, молю́сь,/ и к путе́м пока́яния введи́ мя,/ я́ко да до́лжно Ты песносло́влю,// па́че сло́ва Сло́во воплоти́вшую.**

КАНО́Н СРѢТЕНИЯ, ГЛАС 3:

Припев: **Сла́ва, Тебе́, Бо́же наш, сла́ва Тебе́.**

Тропа́рь: **И́же дрѣвним новорожде́нных го́рличищ супру́г двóица же б́яше птен- цѣв,/ в ни́хже ме́сто Божѣственный ста́рец и целомúдренная А́нна про- ро́чица/ от Де́вы ро́ждѣнному и Сы́ну Единоро́дному Отчу́,// в цѣрковь при- носи́му, слúжат, велича́юще. *(Два́жды)***

Сла́ва Отцу́, и Сы́ну, и Свято́му Ду́ху.

Тропа́рь: **Возда́л еси́ мне, вопия́ше Симео́н, / спасе́ния Твоего́, Христе́, ра́дование, / восприими́ Твоего́ служи́теля, се́нию претружде́ннаго, // но́выя благода́ти Священнопропове́дника та́йнаго во хвалéнии велича́юща.**

И ны́не и прѣсно и во ве́ки веко́в, ами́нь.

Богоро́дичен: **Священноле́пно испове́дашеся А́нна, прорица́ющи, / целому́дренная, и преподо́бная, и ста́рица, Влады́це в це́ркви я́вственно, // Богоро́дицу же, пропове́дающи всем су́щим, велича́ше.**

ЕКТЕНИЯ МА́ЛАЯ...

Диа́кон: **Свят Госпо́дь Бог наш.**

ЕКСАПОСТИЛА́РИЙ ВОСКРЕ́СНЫЙ ПЕ́РВЫЙ:

Со ученики́ взы́дем на го́ру Галиле́йскую, / ве́рою Христа́ ви́дети / глаго́люща власть прия́ти вы́шних и ни́жних, научи́мся: / ка́ко учи́т крещáти во и́мя Отца́, и Сы́на, и Свята́го Ду́ха, язы́ки вся, // и пребыва́ти с тайнники, я́коже обеща́ся, до сконча́ния ве́ка.

Сла́ва Отцу́ и Сы́ну и Свято́му Ду́ху.

СВЕТИ́ЛЕН ТРИО́ДИ:

Богáтство, е́же ми дал еси́, благода́ти, окая́нный отше́д, / непотре́бно зле ижди́х, Спа́се, блу́дно пожив, / де́моном льсти́вно расточи́х. / Те́мже мя обраца́ющася, // я́коже блу́днаго приими́, О́тче ще́дрый, и спаси́.

И ны́не и прѣсно и во ве́ки веко́в. Ами́нь.

СВЕТИ́ЛЕН СРЕ́ТЕНИЯ:

Ду́хом во святи́лици предста́в, / ста́рец на ру́ки восприя́т зако́на Влады́ку, вопия́: / ны́не соу́з мя плотски́х разреши́, я́коже рекл еси́, с ми́ром: // ви́дех бо очы́ма открове́ние язы́ков и Изра́илю спасе́ние.